

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. DATUK MOHD IDRIS BIN JUSI
(BATU PAHAT)**

PERTANYAAN : BERTULIS

Y.B. DATUK MOHD IDRIS BIN JUSI [BATU PAHAT] minta **MENTERI KEWANGAN** menyatakan bagaimana pemberian BR1M boleh mengurangkan kadar kemiskinan di kalangan rakyat.

JAWAPAN

Bantuan Rakyat 1 Malaysia (BR1M) adalah merupakan salah satu bantuan tunai jangka pendek yang bermatlamat untuk membantu meringankan beban kos sara hidup rakyat berpendapatan rendah terutamanya dalam mendapatkan keperluan barangan harian.

Bagi memastikan bantuan tunai ini dimanfaatkan sebaik mungkin,

pada tahun 2015 ini, Kerajaan bersetuju supaya pemberian BR1M disalurkan sebanyak tiga kali setahun kepada penerima kategori isi rumah bagi membolehkan mereka memuat perancangan perbelanjaan dengan lebih baik. Ini juga dapat memastikan agar bantuan BR1M dapat dimanfaatkan sebaik-baiknya dalam tempoh setahun.

Pecahan pemberian BR1M 2015 mengikut kategori adalah seperti berikut:

	PENDAPATAN BULANAN	NILAI BR1M 2015	PERINGKAT PEMBAYARAN
ISI RUMAH	RM 3,000 dan ke bawah	RM950	Januari : RM300 Mei : RM300 Sept : RM350
	RM3,001 - RM4,000	RM750	Januari : RM200 Mei : RM200 Sept : RM350
INDIVIDU	RM2,000 dan ke bawah	RM350	Januari : RM350

Bagi membantu mengurangkan kadar kemiskinan, pelbagai program sedang dilaksanakan oleh Kerajaan terutamanya dalam meningkatkan taraf hidup termasuk mengimbangi pembangunan bandar dan luar bandar serta membantu meringankan beban kos sara hidup rakyat. Antara langkah-langkah yang diambil oleh Kerajaan adalah seperti

berikut:

1. Meningkatkan akses kemudahan pendidikan berkualiti dengan menyediakan persekitaran pembelajaran yang lebih kondusif bagi meningkatkan keupayaan dan kebolehpasaran dalam pekerjaan;
2. Menyediakan program pembangunan usahawan yang merangkumi khidmat latihan, pembiayaan dan penyediaan peralatan perniagaan. Kerajaan turut memberi peluang kepada golongan berpendapatan rendah untuk mendapatkan sumber kewangan/pinjaman bagi melibatkan diri dalam industri kecil-kecilan dan keusahawanan bagi meningkatkan taraf hidup dan pendapatan mereka. Terdapat banyak sumber untuk mendapatkan pembiayaan tersebut seperti melalui AIM, TEKUN, MARA, dana PKS serta mikro kredit yang ditawarkan dengan bantuan subsidi kadar faedah oleh Kerajaan;
3. Menyediakan program latihan kemahiran bagi belia yang tercicir dari alam persekolahan seperti yang ditawarkan oleh IKBN dan MARA; dan
4. Program bantuan pendapatan kepada kumpulan yang layak seperti bantuan tahunan persekolahan RM100, bantuan bulanan kebajikan keluarga termiskin serta bantuan bulanan kewangan kepada OKU oleh Jabatan Kebajikan Masyarakat.